

Hafnarfjarðarbær
Norðurhella 2
220 Hafnarfjörður

Reykjavík, 17. september 2020
UST202009-123/Þ.V.B.
09.07.01

Efni: Umsókn um leyfi til framkvæmda í Stekkjarhrauni

Umhverfisstofnun hefur mótttekið umsókn Hafnarfjarðarbæjar, dagsett 10. september 2020, um leyfi til framkvæmda innan fólkvangsins Stekkjarhraun.

Stekkarhraun er friðlýst sem fólkvangur sbr. auglýsing nr. 398/2009. Allur akstur vélknúinna farartækja er óheimill á stígum í fólkvanginum, nema til viðhalds þeirra. Óheimilt er að spilla gróðri og trufla dýralíf í fólkvanginum. Óheimilt er að hrófla við eða skemma á annan hátt jarðmyndanir í fólkvanginum. Allar framkvæmdir innan fólkvangsins eru háðar leyfi Hafnarfjarðarkaupstaðar og Umhverfisstofnunar. Framkvæmdir skulu vera í samræmi við samþykkt skipulag og verndaráætlun.

Lýsing verkefnis:

Sótt er um leyfi til breikkunar á núverandi stíg um 50 cm og uppsetningar á lýsingu við hann. Eftir breikkun stígsins verður hann 2 m breiður. Til þess að lýsa upp stíginn stendur til að setja upp 6 ljósastaura, 5 metra háa. Lega stígsins og staðsetning ljósastaura er sýnd á korti sem fylgdi umsókn. Ekki stendur til að raska stærra svæði en sem nemur stígsbreiddinni. Verkið tekur viku og er ráðgert að framkvæmdir færu fram á haustmánuðum 2020. Að verkinu kæmu 3-4 starfsmenn með litla hjólavél og vörubíl sem myndi flytja efni á svæðið.

Áhrifamat:

Umhverfisstofnun metur verkefni líklegt til að hafa neikvæð áhrif á hraunið sjálft. Á móti kemur að verkefnið felur í sér breikkun á stíg sem bætir stýringu gesta um svæðið og öryggi þeirra með lýsingu. Einhver truflun mun verða fyrir gesti svæðisins á meðan framkvæmdir standa yfir. Stofnunin telur að með því að fylgja þeim skilyrðum sem sett eru fyrir leyfinu sé hægt að vega á móti neikvæðum áhrifum framkvæmdarinnar.

Skilyrði:

Umhverfisstofnun veitir Hafnarfjarðarbæ fyrir sitt leyti leyfi fyrir breikkun stígs og uppsetningu ljósastaura innan fólkvangsins Stekkjarhrauns sbr. lýsingu hér að ofan haustið 2020 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.

- Virða skal umgengnisreglur sem gilda um svæðið.
- Einungis skal aka hjólavél og vörubifreið að og innan skilgreinds framkvæmdarsvæðis.
- Forðast skal óþarfa rask og stærð framkvæmdasvæðis skal haldið í lágmarki.
- Lágmarka skal rask Stekkjahrauns og passa að raska ekki jarðmyndunum sem eru nærri brúnni norðaustan megin.
- Setja skal upp merkingar við framkvæmdarsvæðið og starfsmenn skulu vera í sýnileikavestum eða merktum fatnaði.
- Vandað verði við frágang eftir að verki lýkur og þess gætt að græða upp svæði sem verða fyrir raski.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal þess að framkvæmdin sé í samræmi við skipulagsáætlanir.
- Að útlit verði í samræmi við önnur mannvirki á svæðinu.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Þess skal gætt við akstur utan stíga að hann fari fram á tímum þar sem hann veldur sem minnstu raski á jarðvegi og gróðri.
- Óheimilt er að raska votlendi vegna framkvæmdarinnar.
- Umsækjanda ber að tryggja viðhald mannvirkisins og ef notkun þess er hætt skal það fjarlæggt.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt



Elín Björg Ragnarsdóttir
sviðsstjóri



Magnús Freyr Sigurkarlsson
sérfræðingur